

# SCRIPTA

---

**Numéro Scripta** : 3690

**Auteur(s)** : Louis IX, France (roi)

**Bénéficiaire(s)** : Bus-Saint-Rémy, Notre-Dame-du-Trésor (abbaye)

**Genre d'acte** : charte

**Authenticité** : non suspect

**Datation** : 1269, avril

**Lieu d'émission** : Chaaingniacum

**Action juridique** : autre

**Langue du texte** : latin

## Analyse

Louis [IX], roi de France, accorde à l'abbesse et aux religieuses du Trésor Notre-Dame le droit d'acquérir une rente annuelle jusqu'à 30 livres parisis pour cinq ans à venir dans la terre royale.

## Tableau de la tradition

### Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 739, p. 165.

Texte établi d'après a

Ludovicus, Dei gratia, Francorum rex. Notum facimus universis, tam presentibus quam futuris, quod nos, divini amoris intuitu, et pro salute anime nostre, et animarum inclite recordationis regis Ludovici, genitoris nostri, et regine Blanche, genitricis nostre, et aliorum predecessorum nostrorum, abbatisse et conventui Thesauri Beate Marie concessimus ut in terra nostra, in hiis que non tenentur per membrum lorice, seu per franchas vavassorias, aut franchas serjanterias, vel etiam de ducatu Normannie, et etiam non cadentibus in garda, neque in minutis censibus sive capitalibus, possint acquirere usque ad summam triginta librarum parisiensium annui redditus infra quinquennium proximo venturum, et hujusmodi acquirenda pariterque taliter acquisita in perpetuum tenere et pacifice possidere, absque coactione vendendi vel extra manum suam ponendi, retenta tamen nobis omnimoda justicia et successoribus nostris in predictis rebus usque ad dictam summam, ut dictum est, acquirendis, et salvo in omnibus aliis jure nostro et jure etiam in omnibus alieno, nisi solummodo in hoc quod dicte abbatissa et conventus predicta, ut dictum est, acquirenda extra manum suam ponere non cogantur, ita etiam quod predicta taliter acquirenda ad ballivi nostri Gisortii noticiam deducantur, ut estimentur per eum et sciatur quid et quantum acquisierint et quando usque ad summam acquisierint antedictam. Quod ut ratum et stabile permaneat in futurum, presentibus litteris nostrum fecimus apponi sigillum. Actum apud Chaaingniacum, anno Domini millesimo ducentesimo sexagesimo nono, mense aprili.